



Na osnovu člana IV. 3. b) Ustava Bosne i Hercegovine i člana 186. Poslovnika Predstavničkog doma, Predstavnički dom Parlamentarne skupštine Bosne i Hercegovine je na 31. sjednici, održanoj 27.7. 2022, donio

DOPUNE POSLOVNIKA PREDSTAVNIČKOG DOMA PARLAMENTARNE SKUPŠTINE BOSNE I HERCEGOVINE

Član 1.

U Poslovniku Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15, 97/15, 78/19 i 26/20) u članu 43. stav (1) nakon tačke f) dodaje se nova tačka g) koja glasi:

„g) Komisija za borbu protiv korupcije i kleptokratije;“

Dosadašnja tačka g) postaje tačka h).

Član 2.

Nakon člana 49. dodaje se novi član 49a. koji glasi:

„Član 49a.

(Komisija za borbu protiv korupcije i kleptokratije)

(1) Komisija za borbu protiv korupcije i kleptokratije:

- a) provodi parlamentarni nadzor s ciljem otkrivanja i prevencije svih oblika korupcije i kleptokratije, u skladu sa Zakonom o parlamentarnom nadzoru;
- b) prati aktivnosti Agencije za prevenciju korupcije i koordinaciju borbe protiv korupcije i razmatra pitanja koja se odnose na Agenciju;
- c) podstiče aktivnosti u institucijama BiH usmjerene na borbu protiv korupcije i kleptokratije;
- d) saraduje s pravosudnim institucijama i organima za provođenje zakona na nivou Bosne i Hercegovine na polju borbe protiv korupcije i kleptokratije;
- e) razmatra predložene zakone i druge propise sa stanovišta borbe protiv korupcije i kleptokratije;

- f) razmatra pripreme za učešće delegacija Bosne i Hercegovine na međunarodnim skupovima koji se odnose na provođenje međunarodnih obaveza Bosne i Hercegovine na polju borbe protiv korupcije i kleptokratije, sukoba interesa, te drugih oblika koruptivnog djelovanja;
 - g) razmatra izvještaje institucija BiH sa stanovišta borbe protiv korupcije i kleptokratije;
 - h) saraduje sa sličnim komisijama i parlamentarnim tijelima drugih zemalja i međunarodnih organizacija, te stranim zvaničnicima, po pitanju borbe protiv korupcije i kleptokratije;
 - i) obavlja druge aktivnosti propisane Zakonom o parlamentarnom nadzoru na polju borbe protiv korupcije i kleptokratije;
- (2) Komisija razmatra i druga pitanja iz oblasti borbe protiv korupcije i kleptokratije.
- (3) Izuzetno od općih odredbi propisanih članom 30. ovog poslovnika, predsjedavajući Komisije će biti iz stranke koja nema ministra ili zamjenika ministra u Vijeću ministara BiH. Ova odredba primjenjivat će se u svakom trenutku djelovanja Komisije.

Član 3.

Ove dopune Poslovnika stupaju na snagu osmog dana od dana objavljivanja u „Službenom glasniku BiH“, a primjenjivat će se od početka novog saziva Doma.

Broj: 01-02-4-1230/22
Sarajevo, 27. 7. 2022.

PREDSJEDAVAJUĆI
PREDSTAVNIČKOG DOMA
Nebojša Radmanović